

Kommuneqarfik Sermersuumi nikanarsaalluni tiingaffiginninnermut politikki

Imarisai

Siunertaq	2
Nikanarsaalluni tiingaffiginninneq pillugu.....	2
Pissutsit pineqartut	3
Nikanarsaalluni tiingaffiginninnernik pinaveersaartitsineq.....	3
Inunnut ataasiakkaanut nikanarsaalluni tiinganniffiginninnernik pinaveersaartitsineq.....	3
Aqutsisutut nikanarsaalluni tiingaffiginninnernik pinaveersaartitsineq.....	4
Nikanarsaalluni tiingaffiginninnernik suliaqarneq.....	4
Nikanarsaalluni tiingaffiginninneq imatut suliarineqassaaq.....	4
Sulisut sinniisaattut isumannaallisaanermullu sinniisutut nikanarsaalluni tiingaffiginninnernik imatut suliaqassaatit.....	5
Nikanarsaalluni tiingaffiginninnerni aqutsisutut imatut suliaqassaatit.....	6
Ulloq atuutsilerfissaa qanorlu paasineqarnissaanut apeqqutit	7

Siunertaq

Kommuneqarfik Sermersuup nikanarsaalluni tiingaffiginninneq akuersaanngilaa

Nikanarsaalluni tiingaffiginninneq pillugu politikki:

- Sullivimmi pitsaasunik peqqinnartunillu avatangiiseqarnissamut siuarsaassaaq
- Nikanarsaalluni tiingaffiginninnermik pinaveersaartitsissaaq
- Nikanarsaalluni tiingaffiginnittoqarsimatillugu suliaqartarnissamut tunngaviliissaaq

Tassa imaappoq:

- Kikkut tamarmik suliffimmi pitsaasunik peqqinnartunillu avatangiiseqarnissamut siuarsaaqataassapput. Aqutsisut suleqatillu suliffimmi nikanarsaalluni tiingaffiginninnermik suugaluartunilluunniit pinaveersaartitseqataanissaat naatsorsuutigineqarpoq
- Immitsinnut assigiinngissutsitsinnnullu ammasuunermik, ataqqinninnermik tatiginninnermillu takutitsissaaqut.
Nikanarsaalluni tiingaffiginninnermut illersuut pitsaanerpaaq tassaavoq inuup assigiinngissutaanik suleqatillu ataasiakkaat nammineersinnaassusaannik ataqqinnippalaartuuneq.

Nikanarsaalluni tiingaffiginninnerup nassuiaataa

Inuk kinguaassiuutinut attuumassuteqartunik pissusilersuutunik piomassuserinngisaanik nalaataqartinneqaraangat, inuup pineqartup kanngunarsarnissaanik, nikanarsarnissaanik, assigiinngissinneqarnissaanik imaluunniit nukillaarsarnissaanik sunniuteqartumik siunertaqartumilluunniit, nikanarsaalluni tiingaffiginnittoqartarpoq.

Nikanarsaalluni tiingaffiginninneq sunaanersoq aamma inoqammut pissutsit suut akuerisaanersut tamanut atuuttumik killisiorneqarsinnaanngillat. Nikanarsaalluni tiingaffiginnittarnerup killinga nikerartuuvoq, pissutigalugu inummiit inummut paasinnittariaaseq assigiinngimmat. Arnat angutillu nikanarsagaallutik tiingaffigineqarsinnaapput.

Nikanarsagaallutit tiingaffigineqarsoriguit nuannarinnginnera kissaatiginnginneralu nikanarsaasumut ilisimatinnissaa pingaaruteqarpoq. Taamatut iliortup tamanna ataqqinngippagu, nikanarsaalluni tiingaffiginnittoqartarpoq.

Nikanarsaalluni tiingaffiginninnermut assersuutit:

- Oqaatsikkut timikkullu pissusilersuutikkut atoqatigiinnermut tunngasut kissaatigineqanngitsut, ajuallannartut, annernartut utertitsiffigineqanngitsullu. Assersuutigalugu aparsineq, killissamik qaangiilluni attuinerit patitsinerillu.
- Oqaatsit, apeqqutit kaammattuutillu atoqatigiinnermut tunngasut. Oqarasuaatikkut sianertarnerit e-mailit allakkallu atoqatigiinnermut tunngasut.
- Quiasaarutit peqqarniitsut, assit atoqatigiinnertallit allallu nikanarsagaasup kissaatiginngippagit tatisimassutigippagillu tassunga ilaapput.

Pissutsit iliuuseqarnissamut tunngasut

Nikanarsaalluni tiingaffiginninnermik pinaveersaartitsineq

Immikkoortumi tullinnguuttumi nikanarsaalluni tiingaffiginnittarnermut pinaveersaartitsinissamut taamaaliornikkullu suliffimmi pinngitsoortitsinissamut ilitsersuut atuarsinnaavat. Atuaqqissaarnerani maluginiassavat Kommuneqarfik Sermersuup qitiusumik allaffeqarfiani assigiinngitsunik kultureqarsinnaanera.

Inunnut ataasiakkaanut nikanarsaalluni tiingaffiginninnermik pinaveersaartitsineq

Nikanarsaalluni tiingaffiginninneq pinaveersaartinnissaanut pingaaruteqarpoq:

- **Naaggaarsinnaaneq**

Iliuutsit nuannarinngisatit killissannillu qaangiisut pillugit ersarissumik oqaaseqarfigikkit. Suleqatip nikanarsarlutit tiingaffiginngipatit peqqusiileqitinneqarneq unissaaq.

Aallaqqaammut nersualaarinninnerit, timikkut attuinerit nikanarsaanerillu immikkoortikkuminaassinnaammata, nikanarsaalluni tiingaffiginninnerit amerlanertigut unitsinniarneqarneqajaarneq ajorput.

Nikanarsaalluni tiingaffiginninneq qaqutiguinnaq sakkortuumik aallartittarpoq, kigaatsumilli annertusiartortarluni.

- **Suleqatit ataqqiguk**

Suleqatit allat illilluunniit iliuuserisanut naaggaarsimappat ataqqiguk. Aamma iliuutsit soqutaanngitsutut quiasaarutitulluunniit isigigaluarukkit.

- **Suleqatinnik tapersersuineq**

Nikanarsaalluni tiingaffiginnittarnermik naammattuuguit taamaatinnessaa ersarissumik oqaatigissavat peqqusiileqitinneqartorlu illersorlugu. Suleqatinnut tapersersuineq pingaaruteqarluinnarpoq, suliap ingerlaneranut suleqatinnullu.

Nikanarsaalluni tiingaffiginnittarnermik aqutsisutut pinaveersaartitsineq

Nikanarsaalluni tiingaffiginnittarnermik aqutsisutut pinaveersaartitsinissamut pingaaruteqarpoq:

- **Nikanarsaalluni tiingaffiginninneq pillugu ersarissumik isummersornissat**

Nikanarsaalluni tiingaffiginninnermut akuersaannginnermik aqutsisutut oqariartuuteqartariaqarputit. Periuseq pitsaanerpaaq tassaavoq suleqatigiit akornanni paasissutissat eqqartuinerillu ataatsimoortillugit ingerlannerat. Suleqatitit politikki pillugu sumilu nassaasaanersoq oqaluttuutikkit.

- **Suliffimmi tarnikkut atugarisat atugarissaarnerlu pillugit suliat**

Suliffimmi atugassarititaasut pillugit misissuinerit aamma inatsisitigut pisussaaffik Suliffimmik Nalilersuineq (APV) qitiusumik ingerlannerisigut suliffimmi tarnikkut atugarisat atugarissaarnerlu pillugit pilersaaruserineqartarput. Pilersaaruseriat malillugit angusaqarnissamut aqutsisutut sulissuteqarnissap qulakkeernissaa pingaaruteqarpoq.

- **Suleqatit pimoorussiffigalugu tusaanissaa**

Sulisoq ajortumik pineqartutut peqqusiileqitinneqartutulluunniit misigisimappat aqutsisutullu ilinnut apuunneqarpat pimooruttuassavat. Sulisut nikanarsagaallutik tiingaffigineqarneq pillugu ajornartorsiuteqarpata apuussivigineqarsinnaanerit takutiguk.

Nikanarsaalluni tiingaffiginnittoqarsimatillugu suleriaaseq

Tullinguuttumi nikanarsaalluni tiingaffiginnittoqarsimatillugu qanoq suliassanera atuarneqarsinnaavoq.

Nikanarsaalluni tiingaffigineqarneq imatut suliarineqassaaq

- **Nikanarsagaallutit tiingaffigineqarsimaguit toqqortissanngilat**
Nikanarsaasoq ersarissumik oqarfigiuk nuannarinagu. Qanorluunniit pisoqaraluarpat nikanarsaasup kissaataanut tunniutiinnassanngilatit.

Suleqatit, sinniisut aamma/imaluunniit aqutsisut akornanni nikanarsaaneq ingerlaannaassappat ikiortissarsiorit.

- **Nikanarsaaneq illit inuttut ajornartorsiutitut isiginagu suliffimmi avatangiisinut ajoqutaasutut isigissavat.**

Suleqat ataaseq nikanarsaalluni tiingaffiginninnermut atatillugu ajornartorsiuteqarpat kikkut tamarmik ajornartorsiutigissavaat.

Aqutsisut imaluunniit sinniisut ammaffigalugit oqaloqatigikkit. Suleqatit allat nikanarsaalluni tiingaffiginninnermut atatillugu ajornartorsiuteqarnerisut ajornartorsiuteqarsimanersulluunniit paasiniauk.

Inuit tatigisatit oqaluttuuteqqissaakkit.

Ajornartorsiut suliffimmi ilisimaneqarpat suliassaq qanoq suliarineqassanersoq eqqartorsiuk, tassani sinniisut peqataasinnaapput.

Nikanarsaalluni tiingaffiginnittoqarsimatillugu sinniisoq imatut suliaqassaaq.

- **Qisuariapallattarit malunnaarsaartuullutillu**

Nikanarsaalluni tiingaffiginnittoqarneranik pasillernermi qisuariapallattassaait. Eqqugaasup ikiorneqarnissaa pingaarnepaavoq. Malugiuk, nikanarsaalluni tiingaffiginninneq suleqatip eqqumiitsumik pissuseqalerneranut, napparsimalluni sulinngitsoortarneranut imaluunniit, soraarnernut/soraarsitaaneranut pissutaasinnaammat.

Suleqatip saaffigippatit malunnaarsaartuugit. Suleqatit kinaassutsiminik isertuussisinnaatitaavoq aamma suliaq qanoq suliarineqartigissanersoq saaffiginnittup aalajangissavaa.

Nikanarsaasoq oqaloqatigineratigut imaluunniit aqutsisut oqaloqatiginerisigut ajornartorsiutip aaqqinnissaa pitsaanerpaavoq.

Pisariaqassappat suliamik pilersitseqataassaait. Tassa imaappoq nikanarsaanerup suussusaa, qanga sumilu pisimani nalunaarsukkit. Takunnissimasinnaasunik ujarlerit. Sulisut peqatigiiffianit peqataasinnaasumik pissarsiorit.

Nikanarsaalluni tiingaffiginnittoqarsimatillugu aqutsisutut imatut suliaqassaait

- Akuliutissaait

Nikanarsaalluni tiingaffiginnittoqarneranik malussartoqartillugu imaluunniit nikanarsaalluni tiingaffiginninneq pillugu saaffigineqaruit nikanarsaasoq oqaloqatigineqassaaq nikanarsaasup pissusaa paasinianeqarluni.

- Malunnaarsaartuugit

Eqqugaasunut iliuseqartutullu pasineqartunut malunnaarsaartuugit. Inerniliipallannaveersaarit.

Illuatungeriit oqaloqatigiitsinniakkut.

Suliffimmi sulisut tamarmik paasinnginniassammassuk oqaloqatigiinneq pingaartorsiortinnaveersaaruk. Aallaqqaasiutitut illuatungeriit immikkut oqaloqatigineqarsinnaapput kingornalu oqaloqatigiitsinneqarsinnaallutik. Oqaloqatigiinnermi taamaattumi illuatungeriit illersuisoqarsinnaanissaat (soorlu sinniisoq) isumassarsiatsialaasinnaavoq.

Nikanarsaalluni tiinganiartoqartillugu atorfimmi pineqaatissiinerit atorneqarsinnaapput.

- **Pisoq nalilersoruk periarfissallu eqqarsaatigalugit**

Aaqqiissutissat tulluurtut ajornaatsullu ujartukkit. Pisumi tassani aaqqiissut sorleq pitsaanerpaassanersoq eqqarsaatigiuk. Imaassinnaasoq paatsoortoqarsimasoq suleqatigiinnerlu aaqqinneqarsinnaalluni. Ilaanni suleqatigiinneq aaqqinneqarsinnaasarpoq. Ilaanni paatsoortoqarsimanerata kingorna suleqatigiinnissaq ajornakusoorsinnaavoq. Taamaattoqassappat illuatungeriinni arlaat allamut nuunneqarsinnaanerata iluaqutissartai eqqarsaatigineqarsinnaapput.

Atuutilerfia

Nikanarsaalluni tiingaffiginninnermut politikkip politikkit allat tassunga attuumassuteqartut taarsissavai.

Nikanarsaalluni tiingaffiginninneq pillugu politikki Suleqatigiinnissaq pillugu ataatsimiititaliamit (HSU) ullormi oqallisigineqarfianiit atuutilissaaq.